

萬 有 文 庫

第 二 集 七 百 種

王 雲 五 主 編

漢 書 補 注

(六 十 三)

王 先 謙 補 注

商 務 印 書 館 發 行

漢書補注

(六十三)

王先謙補注

國學基本叢書

魏相丙吉傳第四十四

漢 蘭 臺 令 史班 固 撰

漢書七十四

唐正議大夫行祕書少監琅邪縣開國子顏師古 注

賜進士出身前翰林院編修國子監祭酒加三級臣王先謙補注

魏相字弱翁濟陰定陶人也

師古曰說者謂相卽魏無知之徒蓋承淺近之書爲妄深矣

徙平陵少學易爲郡卒史舉賢良呂對策高第

爲茂陵令

〔補注〕齊召南曰案相對策見韓延壽傳但彼文云以文學對策又祇舉褒崇節義一段亦非全文也

頃之御史大夫桑弘羊客詐稱御史止傳

師古曰傳謂縣之傳

舍丞不日時謁客怒縛丞相疑其有姦收捕案致其罪論棄客市

師古曰殺之於市

茂陵大治後遷河南太守

〔補注〕宋祁曰浙本遷字下右爲字

禁止姦邪豪彊畏服會丞相車千秋死先是千秋子爲雒陽武庫令

〔補注〕周壽昌曰案田千秋子順已嗣侯此當

是其次子

自見失父而相治郡嚴恐久獲罪

〔補注〕宋祁曰罪字疑從舉書

迺自免去相使掾追呼之遂不肯還

〔補注〕先謙曰遂竟也

相獨

恨曰大將軍聞此令去官必曰爲我用丞相死不能遇其子

〔補注〕先謙曰用亦以也遇謂待遇

使當世貴人非我殆矣

師古曰殆

也。武庫令西至長安。大將軍霍光果。言責過相曰。幼主新立。言為函谷京師之固。武庫精兵所聚。故言

丞相弟為關都尉。子為武庫令。今河南太守不深惟國家大策。師古曰。惟思也。苟見丞相不在。而斥逐其子。何

淺薄也。後人有告相賊殺不辜。事下有司。河南卒戍中都官者二三千人。師古曰。來京師諸官府為戍。卒若今衛士上番分守諸司。遮大

將軍。自言願復畱作一年。言贖太守罪。河南老弱萬餘人。守關欲入上書。關吏言聞。大將軍用武庫令

事。遂下相廷尉獄。師古曰。光心以武庫令事嫌之。而下其賊殺不辜之獄也。久繫踰冬。會赦出。師古曰。繫字下疑有之字。復有詔守茂

陵令。遷揚州刺史。補注。先謙曰。官本楊作揚。考案郡國守相多所貶退。相與丙吉相善。時吉為光祿大夫。與相書曰。

朝廷已深知弱翁行治。補注。先謙曰。官本作治行是。方且大用矣。願少慎事自重。臧器于身。師古曰。易下繫辭云。君子臧器於身。待時而動。言不顯見其材能。

相心善其言。為霽威嚴。蘇林曰。霽音限齊之齊。臣瓚曰。此兩霽字也。霽止也。師古曰。二說皆是也。音才詣反。又音子詣反。居部二歲。徵為諫大夫。復為河南太守。

數年。宣帝即位。徵相入為大司農。遷御史大夫。補注。周壽昌曰。本始二年。徵為大司農。三年遷御史大夫。四歲。大將軍霍光薨。上思其

功德。曰其子禹爲右將軍。兄子樂平侯山復領尙書事。

師古曰：山者去病之孫，今言兄子，此傳誤。〔補注〕齊召南曰：案依顏注，當如張敞傳稱兄孫山，然下文魏相封事曰：兄子

乘樞機，卽說此事。蒙霍禹言之，可稱兄子，蕭望之傳亦曰：光薨，子禹復爲大司馬，兄子山領尙書，與此文同，非誤也。

相因平恩侯許伯奏封事。

〔補注〕何焯曰：因許伯乃得至帝前，其不因王史而因許者，專欲發其弒許后

之謀也。

言春秋譏世卿，惡宋三世爲大夫。

師古曰：解在五行志。〔補注〕先謙曰：公羊傳宋三世無大夫，三世內取也，爲當作無。

及魯季孫之專權，皆危亂國家。

自後元呂來，祿去王室，政繇冢宰。

師古曰：繇與由同。〔補注〕周壽昌曰：光爲大將軍，而稱冢宰，案論語：百官總己以聽於冢宰，周書：惟周公位冢宰，古昔總政者，卽爲冢宰，不必如周官冢宰之稱天官也。

今

光死，子復爲大將軍。

〔補注〕劉敞曰：禹不爲大將軍，字之誤也。何焯曰：大當作右，先謙曰：通鑑作右，足證爲後人傳寫之誤。

兄子秉樞機，昆弟諸壻據權，執在兵官。

〔補注〕先謙曰：在當作任。

光夫人顯及諸女，皆通籍長信宮。

師古曰：通籍，謂禁門之中，皆有名籍，恣出入也。

或夜詔門出入，驕奢放縱，恐濩不制。

師古曰：濩，漸也。不制，不可制御也。

宜有呂損奪其權，破散陰謀，呂固萬世之基，全功臣之世，又故事，諸上書者皆爲二封。

署其一曰副，領尙書者先發副封，所言不善，屏去不奏，相復因許伯白去副封，呂防雍蔽。

師古曰：雍，讀曰壘。

宣帝

善之。

〔補注〕何焯曰：此一時制，霍山之權計，後遂行之。

詔相給事中，皆從其議。

〔補注〕先謙曰：通鑑胡注：漢三公九卿皆外朝，今相給事中，則得入禁中，預中朝之議。

霍氏殺許后之謀。

始得上聞。迺罷其三侯，令就第。

師古曰：禹親屬皆出補吏。及雲山也。

〔補注〕先謙曰：於是韋賢曰老病免，相遂代爲丞

相。

〔補注〕周壽昌曰：在地節三年。

封高平侯，食邑八百戶。及霍氏怨相，又憚之，謀矯太后詔，先召斬丞相，然後廢天子事。

發覺，伏誅。宣帝始親萬機，厲精爲治，練羣臣。

〔補注〕周壽昌曰：禮月令簡練桀俊，本書禮樂志練時日注，練選也，言簡選羣臣也。

核名實，而相總領衆職。

甚稱上意。元康中，匈奴遣兵擊漢屯田車師者，不能下。

〔補注〕先謙曰：不能下，謂不能勝匈奴也。時鄭吉往救爲匈奴所圍。

上與後將軍趙充國

等議，欲因匈奴衰弱，出兵擊其右地，使不敢復擾西域。相上書諫曰：臣聞之，救亂誅暴，謂之義兵。兵義

者，王敵加於己，不得已而起者，謂之應兵。兵應者勝，爭恨小故，不忍憤怒者，謂之忿兵。

〔補注〕先謙曰：王念孫云：恨讀爲很。

謂相爭鬪也。孟子言好勇鬪很，是很與爭鬪同義。故以爭很連文作恨者，借字耳。說詳劉向傳。

兵忿者敗，利人土地貨寶者，謂之貪兵。兵貪者破。恃國家之大，矜

民人之衆，欲見威於敵者，謂之驕兵。兵驕者滅。

〔補注〕沈欽韓曰：文子道德篇：義兵王應，兵勝忿兵，貪兵死驕兵滅。相論本之。

此五者，非但人事，迺

天道也。閒者匈奴嘗有善意，所得漢民，輒奉歸之，未有犯於邊境。雖爭屯田車師，

〔補注〕宋祁曰：浙本無屯字。

不足致

意中。〔補注〕周壽昌曰致置同。

今聞諸將軍欲興兵入其地。

〔補注〕先謙曰胡注丞相不預中朝之議故言聞諸將軍大將軍車騎將軍前後左右將軍皆中朝官。

臣愚不知此兵

何名者也。今邊郡困乏，父子共犬羊之裘，食草萊之實，常恐不能自存，難曰動兵。師古曰：不可以兵事動之。軍旅之後，

必有凶年。師古曰：此引老子道經之言。〔補注〕先謙曰：官本言作語。言民曰其愁苦之氣，傷陰陽之和也。出兵雖勝，猶有後憂，恐災害之

變，因此曰生。今郡國守相多不實選。師古曰：言不得其人。風俗尤薄，水旱不時。案今年計子弟殺父兄，妻殺夫者，凡

二百二十二人。臣愚曰爲此非小變也。今左右不憂此。師古曰：左右謂近臣在天子左右者。迺欲發兵報織介之忿於遠夷。

殆孔子所謂吾恐季氏之憂不在顓臾而在蕭牆之內也。師古曰：論語季氏將伐顓臾，孔子謂冉有季路曰：吾恐季孫之憂不在顓臾而在蕭牆之內，故相引之。顓臾，魯附庸

國蕭牆，屏牆也。解在五行志。願陛下與平昌侯、樂昌侯、平恩侯及有識者詳議，迺可。師古曰：平昌侯王無故，樂昌侯王武，並帝之舅。平恩侯許伯，皇太子外祖父也。〔補注〕先

謙曰：官本考證，蘇轍云：三人者非賢于趙充國也。然其與國同憂樂，無微倖功名之心，則過於充國遠甚。上從其言而止。〔補注〕先謙曰：官本其作相，帝但遣常惠迎。鄭吉徙車師，國民居渠犂，以其故地與匈奴。相明、易經

有師法，好觀漢故事，及便宜章奏。師古曰：既觀國家故事，又觀前人所奏便宜之章也。曰爲古今異制，方今務在奉行故事而已。數條

漢興已來〔補注〕宋祁曰已字疑作以字先謙曰已以字同

國家便宜行事及賢臣賈誼朝錯董仲舒等所言奏請施行之

〔補注〕先謙曰官本

朝作

曰臣聞明主在上賢輔在下則君安虞而民和睦

師古曰虞與娛同〔補注〕錢大昭曰案此虞字與匡衡傳未有游虞弋射之矣揚雄傳長楊賦反五帝之虞同孟子驩虞如也

亦此

意臣相幸得備位不能奉明法廣教化理四方呂宣聖德民多背本趨末

師古曰本農業也末商賈也趨讀曰趣

或有飢寒

之色為陛下之憂臣相罪當萬死臣相知能淺薄不明國家大體時用之宜惟民終始未得所繇

師古曰惟

思也繇讀與由同由從也因也

竊伏觀先帝聖德仁恩之厚勤勞天下垂意黎庶憂水旱之災為民貧窮發倉廩賑乏餒

師古曰餒餓也音迺賄反

遣諫大夫博士巡行天下

師古曰行音下更反

察風俗舉賢良平冤獄冠蓋交道

師古曰言其往來不絕也

省諸用寬租

賦弛山澤波池

師古曰弛放也言不禁障之也波音陂〔補注〕宋祁曰注文音字當作讀曰

禁秣馬酤酒貯積

師古曰秣以粟米飢馬也酤酒者糜費深也貯積者滯米粟也

所曰周急繼

困慰安元元便利百姓之道甚備臣相不能悉陳昧死奏故事詔書凡二十三事臣謹案王法必本於

農而務積聚量入制用呂備凶災

師古曰謂視年歲之豐儉

亡六年之畜尚謂之急

師古曰畜讀曰蓄禮記王制云國無九年之蓄曰不足無六年之蓄曰急無三年之蓄曰

國非其國也。〔補注〕宋元鼎二年平原、勃海、太山、東郡溥被災害。師古曰：溥與普同。〔補注〕宋祁曰：亡字上疑有故字。〔補注〕民餓死於道路。二〔補注〕曰：注文溥字下當有一讀字。

千石不豫慮其難。使至於此。師古曰：豫，慮也。賴明詔振擿，迺得蒙更生。師古曰：擿，古救字。今歲不登，穀暴騰踊。師古曰：價，忽大貴也。臨

秋收斂，猶有乏者。至春恐甚，亡日相恤。西羌未平，師旅在外，兵革相乘，臣竊寒心。宜蚤圖其備。師古曰：蚤，古早字也。

〔補注〕宋祁曰：注末也字當刪。唯陛下留神元元，帥繇先帝盛德，日撫海內。師古曰：帥，循也。繇與由同，由從也。〔補注〕宋祁曰：注文繇字下當有讀字。上施行其策。

又數表采易陰陽及明堂月令奏之。師古曰：表，為標明之采，撮取也。〔補注〕先謙曰：官本為作謂同。曰：臣相幸得備員，奉職不修，不能宣廣

教化，陰陽未和，災害未息，咎在臣等。臣聞易曰：天地曰順動，故日月不過，四時不忒。聖王曰順動，故刑

罰清而民服。師古曰：豫，卦象辭也。忒，差也。天地變化，必繇陰陽。師古曰：繇與由同。〔補注〕宋祁曰：注文繇字下當有讀字。陰陽之分，日為紀，日冬至，

則八風之序立。〔補注〕宋祁曰：江南本紀字下無日字，浙本有沈欽韓曰：淮南天文訓條風至，則出輕繫，去稽留，明庶風至，則正封疆，修田疇，清明風至，則出幣帛，使諸侯景風至，則爵有位，賞有功，涼風至，則報地德，祀四郊。〔案〕北郊以七月

之說本於此。閭闔風至，則收縣垂琴瑟，不張，不周風至，則修宮室，繕邊城，廣莫風至，則閉關梁，決刑罰。萬物之性成，各有常職，不得相干。東方之神太昊，乘震執規，

司春。張晏曰木爲仁仁者生者圍故爲規。南方之神炎帝乘離執衡司夏。張晏曰火爲禮禮者齊齊者平故爲衡。西方之神少昊乘兌執矩司秋。

張晏曰金爲義義者成成者方故爲矩。北方之神顓頊乘坎執權司冬。張晏曰水爲智智者謀謀者重故爲權。中央之神黃帝乘坤艮執繩司下土。

張晏曰土爲信信者誠誠者直故爲繩。（補注）宋祁曰浙本無下字。茲五帝所司各有時也。（補注）沈欽韓曰天文訓規生矩殺衡長權繩居中央爲四時根。東方之卦不可曰治西方。

南方之卦不可曰治北方春興兌治則飢秋興震治則華冬興離治則泄。師古曰天地之氣不閉密也。夏興坎治則雹。

明王謹於尊天慎于養人故立羲和之官曰乘四時。師古曰各依其乘治也。節授民事。師古曰各依其節而授以事。君動靜曰道奉順陰

陽則日月光明風雨時節寒暑調和三者得敘則災害不生五穀熟絲麻遂。師古曰遂成也。少木茂鳥獸蕃。師古曰少也。

古草字蕃多也音扶元反。民不天疾衣食有餘若是則君尊民說上下亡怨。師古曰說讀曰悅。政教不違禮讓可興夫風雨不

時則傷農桑農桑傷則民飢寒飢寒在身則亡廉恥寇賊姦宄所繇生也。師古曰亂在外爲姦在內爲宄繇與由同其下類此。（補注）宋祁曰注文

繇字下當有讀字下字下當有皆字先謙曰官本注下字上無其字。臣愚曰爲陰陽者王事之本羣生之命自古賢聖未有不繇者也天子之義

必純取法天地而觀於先聖高皇帝所述書天子所服第八如淳曰第八天子衣服之制也於施行詔書第八曰大謁者臣章受詔

長樂宮曰〔補注〕周壽昌曰章即囊章也令羣臣議天子所服曰安治天下相國臣何御史大夫臣昌師古曰肅何周昌也謹與將

軍臣陵太子太傅臣通等議師古曰陵王陵通叔孫通春夏秋冬天子所服當法天地之數中得人和故自天子王侯

有士之君下及兆民能法天地順四時曰治國家身亡禍殃年壽永究師古曰究竟也是奉宗廟安天下之大

禮也臣請法之中謁者趙堯舉春應劭曰四時各舉所施行政事服虔曰主一時衣服禮物朝祭百事也師古曰服說是也〔補注〕齊召南曰案此趙堯疑另是一人必非江邑侯代周昌爲御史大夫者也上文云

相國臣何御史大夫臣昌將軍臣陵太子太傅臣通其事當在高帝十年之初丞相之改稱相國周昌之出爲趙相而趙堯之代爲御史大夫叔孫通之由秦常徙爲太子太傅皆此年事也據功臣表江邑侯趙堯以漢五年爲御史則未嘗爲中謁者矣李舜

舉夏兒湯舉秋貢禹舉冬師古曰高帝時自有一貢禹也兒音五奚反四人各職一時大謁者襄章奏制曰可孝文皇帝時曰二

月施恩惠於天下賜孝弟力田及罷軍卒祠死事者頗非時節師古曰罷軍卒卒之疲於軍事者也罷音疲一曰新從軍而休罷者也音薄蟹反〔補注〕先謙曰官

本無罷音疲三字引宋祁曰罷音疲御史大夫朝錯時爲太子家令奏言其狀臣相伏念陛下恩澤甚厚然而災氣未息竊

恐詔令有未合當時者也。願陛下選明經通知陰陽者四人，各主一時。時至，明言所職。日，和陰陽。天下

幸甚。相數陳便宜，上納用焉。相敕掾史案事郡國，及休告，從家還至府，輒白四方異聞，或有逆賊風雨

災變，郡不上，相輒奏言之。時丙吉為御史大夫，同心輔政，上皆重之，相為人嚴毅。〔補注〕先謙曰：褚補史記相好武，令諸吏帶劍前奏。

事，或有不帶劍者，當入奏事，至乃借劍而後敢入。不如吉寬視事九歲，神爵三年薨，諡曰憲侯。子弘嗣，甘露中有罪，削爵為關內侯。

師古曰：弘坐騎至宗廟下，大不敬也。〔補注〕周壽昌曰：表作甘露元年，騎至司馬門，非宗廟下，云不敬無大字，若大不敬，豈尙能降為關內侯也。先謙曰：史記傳云：坐騎至廟不敬。

丙吉，字少卿，魯國人也。治律令，為魯獄史，積功勞，稍遷至廷尉右監，坐法失官，歸為州從事。武帝末，巫

蠱事起，吉曰：故廷尉監徵。師古曰：被召詣京師。詔治巫蠱郡邸獄，時宣帝生數月，日皇曾孫坐衛太子事繫，吉見

而憐之，又心知太子無事實，重哀曾孫無辜。師古曰：重音直用反。吉擇謹厚女徒，令保養曾孫，置閒燥處。師古曰：閒讀曰：閑，閑，寬淨。

之處也。燥，高敞也。吉治巫蠱事，連歲不決。後元二年，武帝疾，往來長楊五柞宮，望氣者言長安

在整屋，往來二宮之間。

獄中有天子氣。於是上遣使者分條中都官詔獄繫者。師古曰：條謂疏錄之。亡輕重。一切皆殺之。內謁者令郭穰。

夜到郡邸獄。吉閉門拒使者不納。〔補注〕宋祁曰：皇曾孫在他人亡辜死者猶不可。〔補注〕宋祁云：況親

納字疑作內。

浙本無者字。

會孫乎。相守至天明。不得入。穰還言聞。因劾奏吉。武帝亦寤曰：天使之也。因赦天下。郡邸獄繫者獨賴

吉得生。恩及四海矣。師古曰：吉拒閉使者。天子感寤。乃普赦天下。其郡邸繫獄者既因吉得生而赦宥之恩。遂及四海也。曾孫病。幾不全者數焉。師古曰：幾音銀。依反。數音所角反。次下亦

同。〔補注〕周壽昌曰：宣帝名病已。蓋以此先謙曰：官本無二音字。引宋祁曰：注文。鉅字所字上疑皆有音字。吉數敕保養乳母。加致醫藥。視遇甚有恩惠。言私財物給其

衣食。後吉爲車騎將軍。軍市令遷大將軍。長史霍光甚重之。入爲光祿大夫。給事中。昭帝崩。亡嗣。大將

軍光遣吉迎昌邑王賀。賀卽位。言行淫亂。廢光與車騎將軍張安世。諸大臣議所立未定。吉奏記光曰：

將軍事孝武皇帝。受襁褓之屬。任天下之寄。師古曰：屬音之欲反。〔補注〕先謙曰：官本無音字。引宋祁曰：注文之字上當有音字。孝昭皇帝早崩。亡嗣。海

內憂懼。欲亟聞嗣主。師古曰：亟急也。音居力反。發喪之日。言大誼立後。師古曰：雖無嫡嗣。旁立支屬。令宗廟有奉。故云大誼。所立非其人。復言大誼廢

之。師古曰：恐危社稷，故廢黜之。天下莫不服焉。方今社稷宗廟羣生之命，在將軍之壹舉。竊伏聽於衆庶，察其所言。諸

侯宗室在列位者。

〔補注〕先謙曰：官本作位列。引宋祁曰：位列，漸本作列位。

未有所聞於民間也。而遺詔所養武帝曾孫名病己，在掖庭

外家者。

蘇林曰：外家，猶言外人民家，不在宮中。晉灼曰：出郡邸獄歸在外家史氏，後入掖庭耳。師古曰：晉說是也。

吉前使居郡邸時，見其幼少，至今十八九矣。通經術

有美材，行安而節和，願將軍詳大議，參呂著龜，豈宜褒顯。先使入侍。

師古曰：侍太后。〔補注〕朱子文曰：豈宜褒顯，豈字於文爲悖，恐是直字，當爲直宜褒顯。

大昕曰：豈宜者，猶言宜也。古人語急，以豈不爲不可，爲可。此當言豈不宜，亦語急而省文耳。朱疑當爲直字，非孟堅之旨。王念孫曰：案古人無謂豈不爲豈者。錢說亦未安。余謂豈猶其也。言曾孫有美材如此，其宜褒顯也。吳語：天王豈辱裁之。燕策曰：將軍豈有意乎。史記魏公子傳曰：我豈有所失哉。豈字並與其同義。令天下昭然知之，然後決定大策。天下幸甚。

〔補注〕齊召南曰：此時定策，吉爲首功，不止從前保護曾孫有恩也。傳詳述其奏記云云。見杜

延年等勸光立宣帝。其功實在丙吉之下。

光覽其議。師古曰：省納而用之。

遂尊立皇曾孫，遣宗正劉德與吉迎曾孫於掖庭。宣帝初卽位，賜

吉爵關內侯。吉爲人深厚，不伐善，自曾孫遭遇，吉絕口不道前恩。師古曰：遭遇，謂升大位也。故朝廷莫能明其功也。地

節三年，立皇太子。吉爲太子太傅，數月，遷御史大夫。及霍氏誅，上躬親政，省尙書事。

〔補注〕宋祁曰：親字下疑有治字。是

時掖庭宮婢則令民夫上書自陳嘗有阿保之功師古曰謂未爲宮婢時有舊夫見在俗閒者補注錢大昭曰則宮婢名章下掖庭令考問則辭

引使者丙吉知狀掖庭令將則詣御史府曰視吉師古曰視讀曰示吉識謂則曰汝嘗坐養皇曾孫不謹督笞

汝安得有功師古曰督謂視察之補注沈欽韓曰此督字當如陳咸傳作杖罰解師古說非隋書刑法志定八等之差自免官加杖督一百至杖督一十亦可謂之視察乎獨渭城胡組淮陽郭徵卿

有恩耳分別奏組等共養勞苦狀師古曰共音居用反養音弋亮反詔吉求組徵卿已死有子孫皆受厚賞詔免則爲庶

人賜錢十萬上親見問然後知吉有舊恩而終不言上大賢之制詔丞相朕微眇時御史大夫吉與朕

有舊恩厥德茂焉師古曰茂美也詩不云虜亡德不報師古曰大雅抑之詩補注其封吉爲博陽侯邑千三百戶

補注先謙曰官本考證案表作千三百三十戶又案此詔宣帝紀元康三年吉與史曾史玄許舜許延壽及張賀子彭祖同日封

也應劭曰吉時病不能起欲如君視疾如朝服拖紳就封之也師古曰上憂吉疾不起太子太傅夏侯勝曰此未死也

臣聞有陰德者必饗其樂補注沈欽韓曰列女傳孫叔敖母曰有陰德者陽報之文子上德篇有陰德者必有陽報有隱行者必有昭名曰及子孫今吉未獲報而疾甚

非其死疾也。後病果瘳。

師古曰瘳與愈同。

吉上書固辭。自陳不宜。呂空名受賞。上報曰。朕之封君。非空名也。而

君上書歸侯印。是顯朕之不德也。方今天下少事。君其專精神。省思慮。近醫藥。呂自持。後五歲。代魏相

為丞相。

〔補注〕先謙曰。公卿表。在神爵三年。褚補史記。長安中有善相工田文者。與章丞相。魏丞相。邴丞相。徵賤時。會於客家。田文言曰。今此三君皆丞相也。其後三人竟相代為丞相。

吉本起獄法。小吏後學詩

禮。皆通大義。及居相位。上寬大好禮讓。掾史有罪。臧不稱職。輒予長休告。

師古曰。長給休假。令其去職也。〔補注〕宋祁曰。長休告。浙本無休字。

終無所案驗。客或謂吉曰。君侯為漢相。姦吏成其私。然無所懲艾。

師古曰。艾讀曰久。〔補注〕王念孫曰。然猶乃也。言姦吏成其私。而君乃無所懲艾也。古者然與

乃同義。說見釋詞。

吉曰。夫呂三公之府。有案吏之名。吾竊陋焉。

〔補注〕宋祁曰。陋疑作陋。

後人代吉。因呂為故事。公府不案吏。自

吉始。

〔補注〕何焯曰。因為故事。則姦吏遂無所懲艾矣。丙公當宣帝之朝。方練羣臣。核名實。不妨時有寬舍。可否相濟耳。

於官屬掾史。務掩過揚善。吉馭吏者。酒數逋蕩。

曰。逋。亡也。蕩。放也。謂亡其所供之職。而游放也。書讀曰嗜。〔補注〕王文彬曰。逋。謂常在外。若逋逃。然顏謂亡其所供之職。則亡為遺忘。與逋義隔。

嘗從吉出。醉歐丞相車上。

師古曰。歐。吐也。音一口反。〔補注〕王念孫曰。案

車下有茵字。而今本脫之。則文義不明。後師古注。茵。蔀也。音因。五字。本在此注內。因此文脫去茵字。校書者遂移入後注耳。御覽職官部。二。人事部。百三十八。車部。五。引此。並作醉歐丞相車茵上。白帖四十八。作歐丞相車茵。漢紀作醉嘔吐吉車茵。皆有茵字。

西

曹主吏白欲斥之。師古曰：斥，奔逐。〔補注〕何焯曰：續志：西曹主府史署用。先謙曰：官本注無逐字。引宋祁曰：注末當添也字。吉曰：呂醉飽之失去士，使此人將復何所

容。師古曰：言無所容身也。西曹地忍之。李奇曰：地猶第也。師古曰：地亦但也。語聲之急也。〔補注〕周壽昌曰：地之爲第，並無義，不過音同而隨筆書之。後人不敢改古書，因望文生訓耳。外戚傳：班婕妤傳：蛾而大幸之。蛾，卽俄，亦猶是也。漢碑

此類尤多。先謙曰：官本注猶作由。引宋祁曰：注文由字，越本作猶，謝改作由。注末也字疑作耳。此不過汙丞相車茵耳。師古曰：茵，遂不去也。此馭吏邊郡人，習知邊

塞發犇命警備事。師古曰：犇，古奔字也。有命則奔赴之言應速也。嘗出適見驛騎持赤白囊，邊郡發犇命書馳來至。〔補注〕先謙曰：官本犇作奔。引宋祁

曰：奔疑作犇。馭吏因隨驛騎至公車刺取。師古曰：刺，謂探候之也。知虜入雲中，代郡邊歸府見吉白狀。師古曰：連速也。因曰：恐虜所

入邊郡二千石長吏有老病不任兵馬者，宜可豫視。〔補注〕宋祁曰：視字下疑有實字。吉善其言，召東曹案邊長吏。〔補注〕何焯曰：

續志：東曹主二千石長吏遷除及軍吏。瑣科條其人。張晏曰：瑣，錄也。欲科條其人老少及所經歷，知其本以文武進也。〔補注〕沈欽韓曰：詩傳：瑣瑣，小也。此爲細科別，不當解瑣爲錄。未已，詔召丞相御史

問呂虜所入郡吏，吉具對。御史大夫卒遽不能詳知。師古曰：卒，讀曰猝。〔補注〕周壽昌曰：御史大夫黃霸也。呂得譴讓。師古曰：讓，責也。而吉見謂

憂邊思職，馭吏力也。吉迺歎曰：士亡不可容，能各有所長，嚮使丞相不先聞馭吏言，何見勞勉之有。掾